

Dr. Senad Softić  
Guverner Centralne banke BiH  
Sarajevo, 7. 6. 2020.

## **Integralni govor zahvalnosti na dodjeli nagrade za Osobu godine za 2019. u kategoriji Javna uprava u organizaciji Večernjeg lista**

Kao prvo, želim se zahvaliti na ukazanom povjerenju i časti što sam nominiran i izabran za ovu prestižnu nagradu za osobu godine u ovoj kategoriji. To je veliko priznanje i meni osobno, ali i cijeloj Centralnoj banci Bosne i Hercegovine. Zato zahvalnost naravno ide i svima u Centralnoj banci. Posebnu zahvalnost upućujem i mojoj porodici na podršci koju mi pružaju sve ovo vrijeme.

Večernjakov pečat i nagrade za osobu godine u raznim kategorijama su prestižne nagrade i ova manifestacija Večernjeg lista je davno prerasla okvire BiH te postala regionalni događaj. Zato je velika čast samo biti nominiran, a kamoli dobiti takvo priznanje.

Naš rad su prepoznale međunarodne finansijske institucije i institucije Evropske unije koje su CBBiH i njenu monetarnu politiku ocijenile kao temelj makroekonomske stabilnosti u BiH.

Dvije ključne riječi obilježavaju naše poslovanje: unapređenje i stabilnost. Kontinuirano unapređujemo procese rada i kompetencije svih naših resursa, odnosno potencijala. Nastojeći, pri tome, da se što više prilagodimo savremenim tokovima centralnog bankarstva i procesima Evropske unije kako bi bili u potpunosti kompatibilni.

S druge strane, nastojimo sačuvati temeljne vrijednosti kojima centralna banka teži, a to je stabilnost. Prvenstveno stabilnost naše konvertibilne marke, koja uživa izuzetno povjerenje svih građana BiH.

Pred nama su vremena ekonomske neizvjesnosti. A kada je budućnost neizvjesna onda su stubovi stabilnosti važniji nego ikada ranije. Bez jakih temelja nema ni buduće gradnje. Zato sam uvjeren da će uloga centralne banke, kao jednog od temelja, ne samo ekonomske nego i ukupne društvene stabilnosti biti u budućnosti još veća.

Nastavićemo provoditi naš mandate profesionalno i odgovorno i u interesu svih naših građana.

Još jednom se zahvaljujem, čestitam svim nominiranim i drugim dobitnicima u ostalim kategorijama uz sljedeću poruku:

“Samo zajedničkim snagama, održavanjem stabilnosti i vjerom u bolje sutra možemo ne samo prevladati ovu aktuelnu krizu nego iz nje izaći jači”. Centralna banka Bosne i Hercegovine i ja osobno ćemo učiniti sve što je u našoj moći da tako i bude.”

Hvala!